



Ad Wēne, (A Naam yɪ wagell n zēke) A tēegda A nugā yungo, sēn na yɪ tɪ wīndg wēngd tuubi, la A tēegd A nugā wīndgā sēn na yɪ tɪ yung wēngd tuubi, halɪ tɪ wīndgā wa tug n puk a sēn lɪtē wā

Yii a Abu Muusa nengē, (Wēnd yard be a yīnga), tɪ yii Nabiyamā nengē, (Wēnd puɪsg la A tɪlgr be a yīnga) a yeelame: «Ad Wēne, (A Naam yɪ wagell n zēke) A tēegda A nugā yungo, sēn na yɪ tɪ wīndg wēngd tuubi, la A tēegd A nugā wīndgā sēn na yɪ tɪ yung wēngd tuubi, halɪ tɪ wīndgā wa tug n puk a sēn lɪtē wā».

[Naṣuṅ Ṣahuḥuṅ (Gom-sikdem sēn manege)] [A Muslim n togs-a]

Nabiyamā (Wēnd puɪsg la A tɪlgr be a yīnga) kōta kibare, tɪ Wēnde, (A Naam zēk yā) A reegda A yembsā tuubgu, rēnd yamb sā n maan zūnuub wīndga n tuub yungo, Wēnd reegda a tuubgā, la a sā n maan zūnuub yungo n tuub wīndga, Wēnd reegda a tuubgā, La A tēegda A nugā, (A Naam yɪlgame) tuubgā sabab yīnga, tɪ yaa sū-noogr ne tuubgā n leb n yaa tuubgā reegre, la tuubgā ragnoor ka bak n pake halɪ tɪ wīndga wa tug n puk a sēn lɪtē wā, n wilgd dūni sεεbo, rēnd a sā n puk beenē tuubg ragnoor pagame.

<https://sunnah.global/hadeeth/mos/show/4318>

